

**99** Staðfesting konungs á skipulagsskrá »Ekknasjóðs Stokkseyrarhrepps«, 29. sept. útgefin á venjulegan hátt að mandatum af ráðherra Íslands 29. september 1913. Skipulagsskráin er þannig:

## Skipulagsskrá

### fyrir Ekknasjóð Stokkseyrarhrepps.

#### 1. gr.

Sjóðurinn heitir »Ekknasjóður Stokkseyrarhrepps«.

#### 2. gr.

Tilgangur sjóðsins er, að styrkja ekkjur og eftirlátin börn sjóðstyrkjenda, það er: þeirra manna í Stokkseyrarhreppi, sem greitt hafa að minsta kosti í 3 ár fast árstíllag til sjóðsins.

#### 3. gr.

Fjelagsmenn eða sjóðstyrkjendur með föstu árstíllagi geta þeir einir verið, er lögheimili eiga í Stokkseyrarhreppi.

#### 4. gr.

Árstíllagið er 2 krónur, er skal greitt fyrir 10. maí ár hvert; borgi einhver meira en 2 kr. á einu og sama ári, skal það skoðað sem gjöf til sjóðsins.

#### 5. gr.

Innan nóvemberloka ár hvert skiftir stjórn sjóðsins alt að hálfu árstíllagi sjóðstyrkjenda, ásamt hálfum vöxtum af höfuðstól sjóðsins næsta ár á undan, milli ekkna þeirra og barna, er rjett eiga til styrks samkvæmt 6. gr. Þó má ekki veita neinni einstakri ekkju eða einstöku barni meira en 50 króna styrk á ári.

#### 6. gr.

Ekkjur sjóðstyrkjenda njóta allar jafnt styrks úr sjóðnum, svo lengi sem þær lifa, nema þær giftist aftur eða flytji burt úr Stokkseyrarhreppi. Lifi sjóðstyrkjandi konu sína, en láti eftir sig ófulltiða börn, þegar hann sjálfur fellur frá, fellur styrkur sá, er konu hans hefði getað borið, til barna hans, skiftist styrkurinn jafnt milli barnanna, ef fleiri eru. En sje aðeins um eitt barn að ræða, fær það styrkinn óskiftan. Rjett þann til styrks úr sjóðnum, sem hjer ræðir um, öðlast börn einnig að móður þeirra látinni, þó hún hafi lifað mann sinn, þó ekki lengur en til 14 ára aldurs.

#### 7. gr.

Nú giftist ekkja, og fellur sjóðstyrkur hennar og barna hennar þá strax í burtu fyrir fult og alt.

## 8. gr.

Nú hættir sjóðstyrkjandi að borga árstíllag sitt; hefir hann þá þegar fyrir-  
gjört rjetti ekkju sinnar og barna til að njóta styrks úr sjóðnum; þó á hann kost  
á að öðlast þann rjett aftur, ef hann borgar áfallið árstíllag og 1 krónu í viðbót  
fyrir næsta árs gjalddaga. 99  
29. sept.

## 9. gr.

Flytji ekkja sjóðstyrkjanda burt úr Stokkseyrarhreppi, þá á hún tilkall  
til að fá endurgoldna þá upphæð, sem maður hennar hefir lagt til sjóðsins, að  
frádrægnum styrk þeim, er hún kann að hafa notið. Sama gildir um börn.

## 10. gr.

Nú byrjar maður yfir fimtugt, sem er giftur svo ungri konu, að milli  
þeirra er fullra 20 ára aldursmunur, að leggja í sjóðinn, og nýtur þá ekkja hans  
aðeins 5 ára styrks úr sjóðnum.

## 11. gr.

Enginn skuldheimtumaður í dánarbúi eða þrotabúi hefir rjett til að taka  
styrk úr sjóðnum til lúkningar skulda búsins, nje skerða styrkinn að nokkru.

## 12. gr.

Fje ekknasjóðsins skal ávaxtað í sparisjóði Árnessýslu. Þó hefir stjórn  
sjóðsins í heild sinni ábyrgð á því, að ekkert af fje sjóðsins fari forgörðum.

## 13. gr.

Stjórn sjóðsins skal skipuð 5 mönnum, einn af þeim er hreppsnefndar-  
oddviti Stokkseyrarhrepps, en hina 4 kjósa sjóðstyrkjendur; skal á hverjum aðal-  
fundi kjósa til tvo menn til tveggja ára. Ennfremur skal á hverjum aðalfundi  
kjósa einn mann til vara, er kemur í stað oddvitans, ef hann skyldi skorast undan  
að vera í stjórninni, eða hvers annars af stjórnendunum, er kynni frá að  
falla eða flytja í burtu. Endurkosning getur átt sjer stað. Stjórn sjóðsins skiftir  
svo verkum með sjer, að einn er formaður, og hefir hann yfirumsjón með mál-  
efnum sjóðsins milli funda, annar er fjehirðir, er tekur á móti tillögum til sjóðs-  
ins, borgar út styrki eftir ávísun formanns og hefir á hendi reikninga sjóðsins,  
og hinn þriðji er skrifari. Borgun fá stjórnendur enga fyrir starfa sinn. Á aðal-  
fundi skal einnig kjósa 2 endurskoðunarmenn til næsta árs.

## 14. gr.

Aðalfundur sjóðsins skal haldinn fyrsta virkan dag í janúarmánuði ár  
hvert, á þeim stað og tíma, sem formaður ákveður. Aukafund kallar formaður  
saman, ef þörf krefur. Á fundum hefir hver sjóðstyrkjandi atkvæðisrjett. Fundir  
eru því aðeins lögmatir, að helmingur sjóðstyrkjenda sjeu á fundi.

99

19. sept.

15. gr.

Á aðalfundi skulu rædd málefni sjóðsins, þá skal og framlagður til úrskurðar reikningur sjóðsins fyrir liðið ár, endurskoðaður.

16. gr.

Skipulagsskrá þessari verður ekki breytt nema á löglega boðuðum aðalfundi. Komi fram uppástunga um að henni verði breytt, skal, ef slíkri uppástungu þykir gaumur gefandi, á aðalfundi eða aukafundi kjósa 5 manna nefnd til að ihuga breytingar á skipulagsskránni, og skulu tillögur slíkrar nefndar vera fjelagsmönnum til sýnis á þeim stað, er stjórn sjóðsins auglýsir, að minsta kosti í 14 daga á undan næsta aðalfundi.

Breytingar á skipulagsskrá þessari eru því aðeins lögmætar, að  $\frac{2}{3}$  allra sjóðstýrkjenda greiði atkvæði með þeim.

17. gr.

Alt hið sama, sem getur um í skipulagsskrá þessari viðvikjandi giftum persónum, gildir einnig um ógiftar persónur, sem saman búa.

18. gr.

Fari svo, að sjóðstýrkjandi falli frá á 3ja ára tímabilinu, sem getur um í 2. grein, má veita hans eftirlátum rjettindi þau, sem getur um í skipulagsskrá þessari, þó ekki fyr en að fyrnefndum þremur árum liðnum.

Stokkseyri, 4. febrúar 1908.

*Jón Sturlaugsson.*

*Jón Sigurðsson.*

*Jón Adolfsson.*

*Helgi Jónsson.*

*Sigurður Magnússon.*